



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 01-05-18645-41/19 SS
Sarajevo, 11.06.2019. godine

KANTON SARAJEVO
SKUPŠTINA KANTONA SARAJEVO
- ovdje-

N/r Predsjedavajućeg Skupštine

Predmet: Odgovor na Zastupničku inicijativu

Zastupnica Vildana Bešlija na Osmoj radnoj sjednici Skupštine Kantona Sarajevo, održanoj dana 14.05.2019. godine, u okviru tačke Dnevnog reda: " Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo pokrenula je zastupničku inicijativu:

Inicijativa:

" Na osnovu člana 106. Poslovníka Skupštine Kantona Sarajevo ("Službene novine Kantona Sarajevo", broj 25/10, 14/11/, 7/12, 26/12), Vladi Kantona Sarajevo, tačnije Ministarstvu saobraćaja Kantona Sarajevo upućujem zastupničku inicijativu za dopunu Uredbe o organiziranju i načinu naplate parkiranja u KS (Službene novine Kantona Sarajevo broj 25. od dana 23.06.2016. godine), tačnije člana 10. i člana 18. stav (1) koji se odnose na obilježavanje i neophodne elemente za javne odnosno privatne parkinge i garaže.

OBRAZLOŽENJE:

Na osnovu *Uredbe o organizaciji i načinu naplate parkiranja u Kantonu Sarajevo*, tačnije člana 10. i članu 18. stav (1) djelomično su regulirani izgled i stanje površina na kojima može postojati parking. Ove površne moraju biti označene predviđenom signalizacijom, nalaziti se na asfaltiranoj površini i imati označene parking zone i boksove.

Određeni broj parking površina u Kantonu Sarajevo ne zadovoljava ni ove osnovne uslove, koji su propisani u uredbi te je upitno kako su od nadležnih institucija dobili uporabne, građevinske i urbanističke dozvole. Stoga smatram da Uredbu o oraganiziranju i načinu naplate parkiranja u KS treba dopuniti sa detaljnijom specifikacijom izgleda javnih parking prostora i jasno regulirati ovaj segment javnih površina, a prije svega ploha na kojoj se nalazi, markacija parking zona i boksova, kao i predviđeni mobilijar koji se treba nalaziti na javnoj parking površini.



Odgovor:

Dana 20.12.2018. godine, u Službenima novinama Kantona Sarajevo broj 52/18, objavljena je Uredba o organizaciji i načinu naplate parkiranja u Kantonu Sarajevo ("Službene novine Kantona Sarajevo", br. 52/18) gdje član 46. propisuje prestanak primjene Uredbe o organizaciji i načinu naplate parkiranja na području Kantona Sarajevo ("Službene novine Kantona Sarajevo", br. 25/16 i 19/17).

Odredbama člana 20. stav (1) Uredbe o organizaciji i načinu naplate parkiranja u Kantonu Sarajevo ("Službene novine Kantona Sarajevo", br. 52/18), propisano je da je privatni parking uređena, asfaltirana i propisno označena izdvojena površina na parceli ili u objektu u vlasništvu pravnog ili fizičkog lica. Stav (2) određuje da parking iz st. (1) ovog člana 20. mora biti označen odgovarajućom vertikalnom i horizontalnom signalizacijom, u skladu sa Zakonom o uređenju saobraćaja ("Službene novine Kantona Sarajevo", br. 30/17 i 46/17) i Pravilnikom o saobraćajnim znakovima ("Službeni glasnik BiH", br. 16/07).

Na osnovu člana 84. stav (1) Zakona o uređenju saobraćaja ("Službene novine Kantona Sarajevo", br. 30/17 i 46/17) propisano je da Ministarstvo saobraćaja Kantona Sarajevo nadležno za planiranje, organizaciju i unapređenje javnog parkiranja u Kantonu Sarajevo kao i upravljanje javnim parkinzima na području Kantona Sarajevo. Svaki javni parking, bilo ulični ili izvanulični, ima jasno definisanu zonu parkiranja, propisno označena parkinga mjesta te se isti nalaze na asfaltiranim površinama.

Parking i garaža iz st. (1) i (2) člana 20. Uredbe o organizaciji i načinu naplate parkiranja u Kantonu Sarajevo ("Službene novine Kantona Sarajevo", br. 52/18), mogu se otvoriti u okviru objekta ili na zemljištu u privatnom vlasništvu za koje Ministarstvo izdaje saobraćajnu saglasnost u skladu sa odredbama Zakona o uređenju saobraćaja ("Službene novine Kantona Sarajevo", br. 30/17 i 46/17), Zakona o cestama ("Službene novine Federacije BiH", br. 12/10, 16/10 i 66/13), Zakona o prostornom uređenju Kantona Sarajevo ("Službene novine Kantona Sarajevo", br. 24/17) i za koje upravitelj cesta izdaje saglasnost za priključak na javnu cestu.

U slučaju odstupanja od dostavljenog Projekta uređenja parking površine na koji je pribavljena saobraćajna saglasnost, članom 101. Zakona o uređenju saobraćaja ("Službene novine Kantona Sarajevo", br. 30/17 i 46/17) propisana su ovlaštenja inspeksijskog nadzora u skladu sa svojim nadležnostima.



MINISTAR
Adnan Šteta



Dostaviti:

1. Naslovu
2. Stručna služba Vlade
3. Evidenciji
3. A/a



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

